

Aruba a conoce su Reina y su Sra. Carnaval 2016



Ayera nochi den Entertainment Center, a corona Candy Maduro di TOB como Señora Carnaval y Sukienne Copra tambe di TOB a bay cu e corona di Reina di Aruba su Carnaval 62. Den nos siguiente edicion lo e resultado completo y imagen di e eleccion. □



SMAC ta anuncia un fin di siman yen di actividad carnavalesco!



SMAC ta anuncia un weekend yen di actividad carnavalesco pa grandi y chikito.

Diabierna anochi ta toca turno na candidatanan competiendo pa e titulo maximo di Reina di Carnaval 62 y Sra. Carnaval di Carnaval 62.

Contando cu participacion di un total di 6 candidata pa cada categoria reparti riba e dos categorianan. Candidatanan ta lo siguiente;

Reina Grandi:

1. Sukienne Copra – TOB
2. Anaïsa Orman – EPI
3. Deanna Pinilla – North Fantasy Carnival Group



Sra. Carnaval:

1. Sra. Veronica Kelly – Lite Life
2. Sra. Candida “Candy” Maduro – TOB
3. Sra. Jacqueline Quandt – Pleasers and Teasers

Entrada general ta 15 florin obtenibel na sede di SMAC (Weststraat 7) y cerca tur participante y si resta na porta di Aruba Entertainment Center. Portanan lo habri pa 6’or di atardi y nos kier recorda un y tur pa apoya nan candidato faborito via e SMS voting di Setar pa e premio di Queen of Setar y Mrs. Carnaval of Setar.

Diasabra 23 di Januari nos ta bay Noord pa celebra e Parada di Mucha di Noord. Pa 1’or di merdia e parada lo sali for di veld di Bubali y tuma su ruta di semper, cabando pa 5’or di atardi na Centro di Bario Noord.

Diasabra anochi SMAC y Comision di Tumba ta presenta e di 46 Festival di Tumba 2016.

Tumbanan di caliber halto lo resona na Aruba Entertainment, terciendo ambiente bailabel y carnavalesco pa tur presente. Carchinan ta obtenibel na balor di 25 florin na sede

di SMAC y tambe na Valero Essoville, Santa Cruz y Boulevard. Portanan ta habri pa 6’or y pa 7’or lo tin trekmento di lot pa conoce e secuencia pa e anochi. E festival mes lo cuminsa pa 8’or.

Diadomingo ta cera e fin di siman cu ambiente sin fin na San Nicolas. Esaki ta e dia di Parada di Mucha di San Nicolas. Parada ta cuminsa 2’or di atardi saliendo for di Joe Laveist Sport Park. Caminda lo cuminsa cera for di 12’or di merdia. SMAC ta invita pueblo carnavalesco pa bin San Nicolas pa presencia un bunita parada yen di creatividad y fantasia.

SMAC kier corda tur hende pa gosa responsabelmente, corda proteha contra e solo cayente, uza earplugs pa e



muchanan y semper keda bon hidratata.

SMAC ta gradici e patrocinadonan oficial di Carnaval 62 Aruba Tourism Authority, Aruba Airport Auhtor-

ity, Aruba Airlines, Setar y Romar Trading. Tambe na L’oreal Paris, Budget Car Rental, Subway, Delta Blue, Ananse Creative Productions y Ministerio di Cultura. □



FECHA	DIA	ACTIVIDAD	LOCALIDAD	ORARIO
17 januari	Diadomingo	Festival di Tuberito	Entertainment Center Dakota	7:00 p.m. - 11:30 p.m.
22 januari	Diabierna	Eleccion di Reina y Señora Carnaval	Entertainment Center Dakota	8:00 p.m. - 12:00 a.m.
23 januari	Diasabra	Parada di Mucha Noord	Noord	1:00 p.m. - 5:00 p.m.
23 januari	Diasabra	Contest di Tumba	Entertainment Center Dakota	8:00 p.m. - 2:00 a.m.
24 januari	Diadomingo	Parada di Mucha	San Nicolas	2:00 p.m. - 6:00 p.m.
28 januari	Diahuebs	Hebbe Hebbe	Plenchi dilanti oficina di post na Playa	7:00 p.m. - 1:00 a.m.
29 januari	Diabierna	Riba Cava	Oficina di SMAC	7:00 p.m. - 1:00 a.m.
30 januari	Diasabra	Jouvert Morning	San Nicolas	4:00 a.m. - 9:00 a.m.
30 januari	Diasabra	Parada di Luz	Playa	8:00 p.m. - 2:00 a.m.
31 januari	Diadomingo	Parada di Mucha	Playa	2:00 p.m. - 6:00 p.m.
31 januari	Diadomingo	Kimamento Momito	Entertainment Center Dakota	7:00 p.m. - 10:00 p.m.
4 februari	Diahuebs	Parada di Luz	San Nicolas	8:00 p.m. - 2:00 a.m.
6 februari	Diasabra	Parada Grandi	San Nicolas	1:00 p.m. - 7:00 p.m.
7 februari	Diadomingo	Parada Grandi	Playa	1:00 p.m. - 7:00 p.m.
8 februari	Dialuna	Descanso	Cama	
8 februari	Dialuna	Kimamento Rey Momo	Carnival Village, San Nicolas	7:00 p.m. - 11:11 p.m.
10 februari	Diaranson	Shinishi	Aruba	